

Johannes Hjørnevåg i Uskedalen Eigedom seier til uskedalen.no at han er overvelda over førehandsinteressa for Hagetun-prosjektet som no tek form.

Men det er framleis ledige leiligheiter.

Når det gjeld dei tre tomannsbustadane, er det lagt vekt på at dei skal falla fint inn i terrenget og ikkje verta for dominerende. Dei får låg mønehøgde og valma tak. Takvinkelen blir 22 grader og mønehøgda frå golv 4,82 meter.

Dei 6 leiligheitene får alle eit bruksareal på 91 kvadratmeter, men berre eitt av husa har garasjar. Dette huset, det som blir liggjande lengst nede i terrenget, får også utebodar.

Alle leiligheitene vert bygde i henhold til Husbankens livsløpstad og vil eigna seg spesielt som eldrebustader, understrekar Hjørnevåg.

Interesserte kan gjerne ta kontakt med han på nummer 90 55 39 80 for meir informasjon.

Tomtearbeidet går no mot slutten, men det står att ein del muring, opplyser Hjørnevåg. Arbeidet med den delen av prosjektet som blir bygd opp på den gamle veksthusmuren er kome langt og det same er restaureringa av den gamle delen. Leiligheitene vil bli innflytta i etappar framover gjennom året.

Teikningane øverst viser korleis fasadane blir sjåande ut. Under er planteikningane.

Av Ola Matti Mathisen